

Na osnovu člana 16. stav (4) Zakona o naučnoistraživačkom radu („Službene novine Tuzlanskog kantona“, broj: 14/18, 8/21, 16/22, 9/23, 3/24, 2/25 i 18/25), člana 79. stav (2) Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25), i Odluke o utvrđivanju programa iz oblasti naučnoistraživačkog rada i tehnološkog razvoja koji će se finansirati ili sufinansirati iz Budžeta Tuzlanskog kantona za 2026. godinu (broj: 10/1-35-000670-3/26 od 17.3.2026. godine), ministar obrazovanja i nauke Tuzlanskog kantona uz prethodnu saglasnost Vlade Tuzlanskog kantona, broj: 02/1-35-670-9/26 od 17.3.2026. godine, donosi

O D L U K U

o utvrđivanju uvjeta, kriterija i postupka dodjele sredstava za program osposobljavanja mladih nadarenih za naučnoistraživački rad

I – OPĆE ODREDBE

Član 1.

(Predmet)

Ovom odlukom utvrđuju se uvjeti, kriteriji i postupak dodjele sredstava iz Budžeta Tuzlanskog kantona za sufinansiranje programa osposobljavanja mladih nadarenih za naučnoistraživački rad.

Član 2.

(Finansijska sredstva)

(1) Sredstva za sufinansiranje programa osiguravaju se u Budžetu Tuzlanskog kantona za 2026. godinu na poziciji „24010019 – Nauka“.

(2) Prilikom raspodjele sredstava iz stava (1) ovog člana uzet će se u obzir potrebe i interesi naučnoistraživačkog razvoja Tuzlanskog kantona, potrebe i interesi naučnoistraživačkog razvoja univerziteta i drugih naučnoistraživačkih ustanova, kao i razvoj naučnoistraživačke djelatnosti, a u skladu sa Strategijom razvoja Federacije Bosne i Hercegovine 2021.-2027. godine, Strategijom razvoja Tuzlanskog kantona za period 2021.-2027. godina, te drugim sektorskim strategijama i strategijama razvoja lokalnih zajednica na području Tuzlanskog kantona, kao i drugim strateškim dokumentima na državnom i međunarodnom nivou.

(3) Za sufinansiranje programa iz stava (1) ovog člana za 2026. godinu odobrit će se sredstva u iznosu od 40.000,00 KM, i to 30.000,00 KM za sufinansiranje troškova doktorskog studija i izrade i odbrane doktorske disertacije, te 10.000,00 KM za sufinansiranje troškova drugog ciklusa studija i izrade i odbrane master/magistarskog rada.

(4) Maksimalan iznos traženih i odobrenih sredstava za sufinansiranje troškova doktorskog studija i izrade i odbrane doktorske disertacije može biti do 3.000,00 KM, a maksimalan iznos traženih i odobrenih sredstava za sufinansiranje troškova drugog ciklusa studija i izrade i odbrane master/magistarskog rada može biti do 1.000,00 KM.

Član 3.

(Mladi nadareni za naučnoistraživački rad)

(1) U smislu ove odluke, mladim nadarenim za naučnoistraživački rad smatraju se lica koja se nalaze u ranoj fazi naučnoistraživačke karijere, a koja:

- a) pohađaju drugi ili treći ciklus studija ili su u postupku izrade završnog rada drugog ciklusa ili doktorske disertacije na akreditiranoj visokoškolskoj ustanovi,

- b) nisu stekli naučni stepen doktora nauka ili magistra nauke/struke,
- c) ostvaruju iznadprosječne rezultate u obrazovanju i/ili naučnoistraživačkom radu,
- d) nemaju navršenih 35 godina starosti u momentu objave javnog poziva,
- e) imaju prebivalište na području Tuzlanskog kantona.

II – UVJETI I KRITERIJI ZA DODJELU SREDSTAVA

Član 4.

(Uvjeti i kriteriji za sufinansiranje troškova doktorskog studija i izrade i odbrane doktorske disertacije)

- (1) Uvjeti za sufinansiranje troškova izrade i odbrane doktorske disertacije su:
- a) da podnosilac zahtjeva ima prebivalište na području Tuzlanskog kantona,
 - b) da je odbranjen projekat teme doktorske disertacije,
 - c) da podnosilac zahtjeva vlastitim sredstvima, odnosno sredstvima iz drugih izvora, finansira najmanje 30% troškova izrade i odbrane doktorske disertacije,
 - d) da podnosilac zahtjeva nije po istom osnovu u prethodnim godinama dobio sredstva iz Budžeta Tuzlanskog kantona.
- (2) Licima koja su odbranila doktorske disertacije zaključno sa danom objave javnog poziva ne mogu biti dodijeljena sredstva.
- (3) Kriteriji za sufinansiranje dijela troškova izrade i odbrane doktorske disertacije i način bodovanja su sljedeći:
- a) objavljeni radovi podnosioca zahtjeva maksimalno 50 bodova:

– za svaki rad u CC časopisu	po 10 bodova
– za svaki rad u SCI, SSCI i AHCI časopisu	po 5 bodova
– za svaki rad u časopisu u ostalim referentnim bazama	po 3 boda
– međunarodne konferencije u i izvan BiH i međunarodni časopisi koji nisu indeksirani	po 2 boda
– konferencije/časopisi u BiH	po 1 bod
 - b) ostvaren uspjeh na doktorskome studiju maksimalno 30 bodova:

– ostvaren prosjek ocjena od 8,0 – 8,50	10 bodova
– ostvaren prosjek ocjena od 8,51 – 9,5	20 bodova
– ostvaren prosjek ocjena od 9,51 – 10,0	30 bodova
 - c) učešće u naučnoistraživačkim projektima maksimalno 20 bodova (pod učešćem u projektu podrazumijeva se angažman kandidata u svojstvu člana istraživačkog tima, saradnika ili rukovodioca projekta, u trajanju od najmanje šest mjeseci):

– učešće u međunarodnom naučnoistraživačkom projektu (EU, bilateralni, multilateralni)	po projektu 10 bodova
– učešće u domaćem naučnoistraživačkom projektu finansiranom iz javnih sredstava (budžeti, fondovi ili javne institucije) po projektu	5 bodova.
- (4) Maksimalan broj bodova koji se može ostvariti je 100 bodova.
- (5) Uz popunjeni prijavni obrazac kandidati su dužni priložiti:
- a) Odluka Vijeća doktorskog studija o usvajanju izvještaja o odbrani projekta teme doktorske disertacije (ovjerena fotokopija ili original)

- b) potvrdu fakulteta o troškovima doktorskog studija, odnosno izrade i odbrane doktorske disertacije
- c) dokaz o objavljenim radovima podnosioca zahtjeva (bibliografija i prva stranica svakog objavljenog rada)
- d) dokaz o ostvarenom uspjehu na doktorskom studiju
- e) potvrdu nosioca projekta ili ugovor/odluku o angažmanu kandidata na projektu, iz koje je vidljivo: naziv projekta, period trajanja, izvor finansiranja i uloga kandidata
- f) potpisanu izjavu kandidata ovjerenu od strane nadležnog organa o iznosu sredstava kojima kandidat lično (ili iz drugih privatnih sredstava) finansira izradu i odbranu doktorske disertacije, te da po istom osnovu nije ostvario pravo na dodjelu sredstava u prethodnim godinama,
- g) kopiju lične karte i kopiju kartice tekućeg ili žiro računa kandidata/kandidatkinje.

Član 5.

(Uvjeti i kriteriji za sufinansiranje troškova drugog ciklusa studija i izrade i odbrane master/magistarskog rada)

(1) Uslovi za sufinansiranje troškova drugog ciklusa studija i izrade i odbrane master/magistarskog rada su:

- a) da podnosilac zahtjeva ima prebivalište na području Tuzlanskog kantona,
- b) da je odlukom naučno-nastavnog vijeća akreditovane visokoškolske ustanove pozitivno ocijenjena podobnost kandidata i tema završnog master/magistarskog rada,
- c) da podnosilac zahtjeva vlastitim sredstvima, odnosno sredstvima iz drugih izvora, finansira najmanje 30% troškova izrade i odbrane završnog master/magistarskog rada,
- d) da podnosilac zahtjeva nije po istom osnovu u prethodnim godinama dobio sredstva iz Budžeta Tuzlanskog kantona.

(2) Licima koja su odbranila završni master/magistarski rad zaključno sa danom objave javnog poziva ne mogu biti dodijeljena sredstva.

(3) Kriteriji za sufinansiranje dijela troškova drugog ciklusa studija i izrade i odbrane master/magistarskog rada i način bodovanja su sljedeći:

a) objavljeni radovi podnosioca zahtjeva maksimalno 30 bodova:

- za svaki rad u CC časopisu po 10 bodova
- za svaki rad u SCI, SSCI i AHCI časopisu po 5 bodova
- za svaki rad u časopisu u ostalim referentnim bazama po 3 boda
- međunarodne konferencije u i izvan BiH i međunarodni časopisi koji nisu indeksirani po 2 boda
- konferencije/časopisi u BiH po 1 bod

b) ostvaren uspjeh na prvom ciklusu studija maksimalno 25 bodova:

- ostvaren prosjek ocjena od 8,0 – 8,50 10 bodova
- ostvaren prosjek ocjena od 8,51 – 9,5 15 bodova
- ostvaren prosjek ocjena od 9,51 – 10,0 25 bodova

c) ostvaren uspjeh na drugom ciklusu studija maksimalno 25 bodova:

- ostvaren prosjek ocjena od 8,0 – 8,50 10 bodova
- ostvaren prosjek ocjena od 8,51 – 9,5 15 bodova
- ostvaren prosjek ocjena od 9,51 – 10,0 25 bodova

d) učešće u naučnoistraživačkim projektima maksimalno 20 bodova:

- učešće u međunarodnom naučnoistraživačkom projektu po projektu 10 bodova

- učešće u domaćem naučnoistraživačkom projektu po projektu 5 bodova
 - učešće u studentskim ili institucionalnim istraživačkim projektima po projektu 3 boda.
- (4) Maksimalan broj bodova koji se može ostvariti je 100.
- (5) Uz popunjeni prijavni obrazac kandidati su dužni priložiti:
- a) odluku naučno-nastavnog vijeća akreditovane visokoškolske ustanove o pozitivnoj ocjeni podobnosti kandidata i teme završnog master/magistarskog rada (ovjerena fotokopija ili original)
 - b) izjavu mentora u kojoj se fazi nalazi završni master/magistarski rad lica koje podnosi zahtjev za sufinansiranje
 - c) potvrdu fakulteta o troškovima drugog ciklusa studija i izrade i odbrane završnog master/magistarskog rada
 - d) dokaz o objavljenim radovima podnosioca zahtjeva (bibliografija i prva stranica svakog objavljenog rada)
 - e) dokaz o ostvarenom uspjehu na prvom i drugom ciklusu studija
 - f) potvrdu nosioca projekta ili ugovor/odluku o angažmanu kandidata na projektu, iz koje je vidljivo: naziv projekta, period trajanja, izvor finansiranja i uloga kandidata
 - g) potpisanu izjavu kandidata ovjerenu od strane nadležnog organa o iznosu sredstava kojima kandidat lično (ili iz drugih privatnih sredstava) finansira troškove drugog ciklusa studija i izradu i odbranu završnog master/magistarskog rada, te da po istom osnovu nije ostvario pravo na dodjelu sredstava u prethodnim godinama,
 - h) kopiju lične karte i kopiju kartice tekućeg ili žiro računa kandidata/kandidatkinje.

III – POSTUPAK DODJELE SREDSTAVA

Član 6.

(Raspisivanje javnog poziva)

- (1) Sredstva iz člana 2. ove Odluke dodijelit će se putem javnog poziva.
- (2) Odluku o raspisivanju javnog poziva za raspodjelu planiranih budžetskih sredstava sa budžetske pozicije 24010019 - "Nauka" za program osposobljavanja mladih nadarenih za naučnoistraživački rad donosi Ministarstvo.
- (3) Tekst javnog poziva utvrđuje Ministarstvo.
- (4) Tekst javnog poziva se objavljuje na zvaničnoj web stranici Ministarstva, od kada počinje teći rok za predaju dokumentacije.
- (5) Javni poziv iz stava (4) ovog člana informativno se objavljuje i na web stranici Vlade Kantona, ali objava na veb stranici Vlade Kantona ne utiče na tok trajanja roka za predaju dokumentacije.
- (6) Javni poziv ostaje otvoren 15 dana od dana objavljivanja na web stranici Ministarstva.

Član 7.

(Prijava na javni poziv)

- (1) Prijave na javni poziv sa potrebnom dokumentacijom podnose se Ministarstvu u roku utvrđenom tekstom Javnog poziva.
- (2) Prijava na javni poziv se vrši putem odgovarajućeg prijavnog obrasca, koji se može preuzeti na veb stranici Ministarstva.
- (3) Kandidat je uz popunjen prijavni obrazac obavezan dostaviti i dokumentaciju propisanu članom 4. ili 5. ove Odluke.

Član 8.

(Imenovanje i sastav komisije)

(1) Proceduru po javnom pozivu provodi komisija koju imenuje ministar obrazovanja i nauke Tuzlanskog kantona (u daljem tekstu: ministar), u roku od 15 dana od dana isteka roka za podnošenje prijave na javni poziv.

(2) Komisija za provođenje procedure po javnom pozivu ima tri člana, od čega su dva predstavnika Ministarstva i jedan predstavnik registrovanih naučnoistraživačkih organizacija, kojeg predlaže Kantonalni savjet za nauku i tehnologiju.

(3) Komisija za svoj rad odgovara ministru.

(4) Članovi Komisije ne mogu biti lica čiji članovi porodičnog domaćinstva učestvuju u postupku za dodjelu sredstava po ovoj odluci.

(5) Članovi Komisije prije početka rada potpisuju izjavu o povjerljivosti podataka.

(6) Komisija je dužna razmotriti prijave u pogledu blagovremenosti i potpunosti, utvrditi broj bodova po svakom od kriterija, utvrditi konačan broj bodova po svim kriterijima, te predložiti iznos sredstava za dodjelu i najkasnije u roku od 30 dana od dana isteka roka za podnošenje prijave na javni poziv sačiniti jedinstvenu rang listu i istu objaviti na veb stranici Ministarstva.

(7) Rang lista kandidata obavezno sadrži:

- a) osnovne podatke o aplikantu,
- b) broj bodova po svakom od utvrđenih kriterija,
- c) ukupan broj bodova po svim kriterijima,
- d) predloženi iznos sredstava za dodjelu i
- e) pouku o pravnom lijeku sa tačno naznačenim rokom za ulaganje prigovora.

(8) Neblagovremene i nepotpune prijave Komisija neće uzimati u razmatranje, a aplikanti se o istom obavještavaju sačinjavanjem posebne liste.

Član 9.

(Postupak po prigovoru i donošenje konačne rang liste)

(1) Na liste iz člana 8. stavovi (6) i (8) ove odluke, nezadovoljni kandidati mogu podnijeti prigovor u roku od osam dana od dana objavljivanja listi na veb stranici Ministarstva.

(2) Prigovor se podnosi Ministarstvu u pisanoj formi.

(3) O podnesenim prigovorima odlučuje ministar u roku od 8 dana od dana isteka roka za podnošenje prigovora.

(4) Nakon okončanja postupka po prigovorima ministar utvrđuje konačnu rang listu dobitnika sredstava, i istu objavljuje na veb stranici Ministarstva.

(5) Na osnovu rang liste iz stava (4) ovog člana ministar donosi Program raspodjele sredstava, uz saglasnost Vlade Kantona.

(6) Na osnovu programa iz stava (5) ovog člana ministar donosi pojedinačne odluke o odobravanju sredstava, u skladu sa operativnim sredstvima u Budžetu Tuzlanskog kantona za 2026. godinu na budžetskoj poziciji 24010019- Nauka.

(7) Na osnovu odluka iz stava (6) ovog člana Ministarstvo i dobitnici sredstava potpisuju ugovor kojim se regulišu međusobna prava i obaveze.

Član 10.

(Izveštavanje o utrošku sredstava)

(1) Korisnik sredstava obavezan je da u roku od 30 dana od dana uplate sredstava Ministarstvu obrazovanja i nauke Tuzlanskog kantona dostavi finansijski izvještaj o utrošku dodijeljenih sredstava.

(2) Finansijski izvještaj se podnosi na posebnom obrascu koji je sastavni dio ove Odluke (Aneks III).

(3) Nedostavljanje ili neblagovremeno dostavljanje izvještaja iz stava (1) ovog člana smatra se neispunjavanjem ugovornih obaveza i može biti osnov za djelimični ili potpuni povrat dodijeljenih sredstava, u skladu sa ugovorom.

Član 11.

(Zaštita ličnih podataka)

(1) Lični podaci dostavljeni u postupku dodjele sredstava na osnovu ove odluke obrađuju se u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj 12/25).

(2) Ministarstvo obrazovanja i nauke Tuzlanskog kantona obrađuje lične podatke isključivo u svrhu provođenja postupka dodjele sredstava, zaključivanja ugovora, praćenja realizacije odobrenih sredstava i izvršavanja zakonom propisanih obaveza.

(3) Obrada ličnih podataka ograničena je na podatke koji su neophodni za ostvarivanje svrhe iz stava (2) ovog člana i neće se koristiti u druge svrhe.

(4) Lični podaci čuvaju se u rokovima utvrđenim propisima o kancelarijskom i arhivskom poslovanju, nakon čega se brišu ili arhiviraju u skladu sa važećim propisima.

(5) Objavljivanje informacija o korisnicima sredstava vrši se u obimu koji je neophodan radi obezbjeđivanja transparentnosti postupka, bez objavljivanja podataka koji nisu od značaja za ostvarivanje te svrhe.

Član 12.

(Stupanje na snagu)

Odluka stupa na snagu danom davanja saglasnosti Vlade Kantona, važi za 2026. godinu, i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-35-000670-5/26
Tuzla, 17.3.2026. godine

MINISTAR

Dr. sc. Ahmed Omerović

Prilog I – Prijavni obrazac za sufinansiranje troškova doktorskog studija i izrade i odbrane doktorske disertacije

**PROGRAM: OSPOSOBLJAVANJE MLADIH NADARENIH ZA
NAUČNOISTRAŽIVAČKI RAD – Sufinansiranje troškova doktorskog studija i izrade i
odbrane doktorske disertacije**

LIČNI PODACI O APLIKANTU	
Ime i prezime:	
Datum rođenja:	
Adresa stanovanja:	
Općina:	
Telefon:	
E-mail:	
Puni naziv doktorske disertacije:	
Iznos sredstava koji je obezbijeđen od drugih izvora Donator/sponzor: _____ iznos: _____ KM	
Iznos sredstava koji se potražuje od Ministarstva obrazovanja i nauke _____ KM	
Naziv fakulteta/univerziteta na kojem se brani doktorska disertacija:	

mjesto i datum

potpis aplikanta

Uz popunjeni prijavni obrazac kandidati su dužni priložiti:

- 1) Odluka Vijeća doktorskog studija o usvajanju izvještaja o odbrani projekta teme doktorske disertacije (ovjerena fotokopija ili original)
- 2) potvrdu fakulteta o troškovima izrade i odbrane doktorske disertacije
- 3) dokaz o objavljenim radovima podnosioca zahtjeva (bibliografija i prva stranica svakog objavljenog rada)
- 4) dokaz o ostvarenom uspjehu na doktorskom studiju
- 5) potvrdu nosioca projekta ili ugovor/odluku o angažmanu kandidata na projektu, iz koje je vidljivo: naziv projekta, period trajanja, izvor finansiranja i uloga kandidata
- 6) potpisanu izjavu kandidata ovjerenu od strane nadležnog organa o iznosu sredstava kojima kandidat lično (ili iz drugih privatnih sredstava) finansira izradu i odbranu doktorske disertacije, te da po istom osnovu nije ostvario pravo na dodjelu sredstava u prethodnim godinama,
- 7) kopiju lične karte i kopiju kartice tekućeg ili žiro računa kandidata/kandidatkinje,
- 8) druge potrebne dokumente kojima se dokazuje ispunjenost uvjeta iz Javnog poziva.

Prilog II – Prijavni obrazac za sufinansiranje troškova drugog ciklusa studija i izrade i odbrane master/magistarskog rada

**PROGRAM: OSPOSOBLJAVANJE MLADIH NADARENIH ZA
NAUČNOISTRAŽIVAČKI RAD – Sufinansiranje troškova drugog ciklusa studija i izrade
i odbrane master/magistarskog rada**

LIČNI PODACI O APLIKANTU	
Ime i prezime:	
Datum rođenja:	
Adresa stanovanja:	
Općina:	
Telefon:	
E-mail:	
Puni naziv završenog magistarskog rada:	
Iznos sredstava koji je obezbijeđen od drugih izvora Donator/sponzor: _____ iznos: _____ KM	
Iznos sredstava koji se potražuje od Ministarstva obrazovanja i nauke _____ KM	
Naziv fakulteta/univerziteta na kojem se brani završni master/magistarski rad	

mjesto i datum

potpis aplikanta

Uz popunjeni prijavni obrazac kandidati su dužni priložiti:

- 1) odluku naučno-nastavnog vijeća akreditovane visokoškolske ustanove o pozitivnoj ocjeni podobnosti kandidata i teme završnog master/magistarskog rada (ovjerena fotokopija ili original)
- 2) izjavu mentora u kojoj se fazi nalazi završni master/magistarski rad lica koje podnosi zahtjev za sufinansiranje
- 3) potvrdu fakulteta o troškovima izrade i odbrane završnog master/magistarskog rada
- 4) dokaz o objavljenim radovima podnosioca zahtjeva (bibliografija i prva stranica svakog objavljenog rada)
- 5) dokaz o ostvarenom uspjehu na prvom i drugom ciklusu studija
- 6) potvrdu nosioca projekta ili ugovor/odluku o angažmanu kandidata na projektu, iz koje je vidljivo: naziv projekta, period trajanja, izvor finansiranja i uloga kandidata
- 7) potpisanu izjavu kandidata ovjerenu od strane nadležnog organa o iznosu sredstava kojima kandidat lično (ili iz drugih privatnih sredstava) finansira troškove drugog ciklusa studija i izradu i odbranu završnog master/magistarskog rada, te da po istom osnovu nije ostvario pravo na dodjelu sredstava u prethodnim godinama,
- 8) kopiju lične karte i kopiju kartice tekućeg ili žiro računa kandidata/kandidatkinje,
- 9) druge potrebne dokumente kojima se dokazuje ispunjenost uvjeta iz Javnog poziva.

Prilog III – Obrazac finansijskog izvještaja

FINANSIJSKI IZVJEŠTAJ
o utrošku sredstava dodijeljenih po javnom pozivu za Nauku

Korisnik sredstava	
Kontakt podaci	
Svrha dodjele sredstava	
Broj Odluke o dodjeli sredstava	
Odobrena sredstva	
Utrošena sredstva	
Vlastito učešće	
Sredstva drugih donatora	
Datum uplate sredstava na račun	

Mjesto i datum:

M.P.

Potpis ovlaštene osobe:

NAPOMENA:

Uz finansijski izvještaj kao dokaz o namjenskom utrošku sredstava obavezno priložiti:

- Dokaz da su troškovi plaćeni (kopije uplatnice/virmana ili izvod iz banke iz kojih je vidljivo da su obaveze plaćene)
- Dokaz da je odbrana doktorske disertacije ili master/magistarskog rada plaćena vlastitim sredstvima (kopija uplatnice/virmana ili izvod iz banke gdje je vidljivo da je plaćanje izvršeno).

* U slučaju razlike za svaku stavku priložiti posebno obrazloženje i dokaze

** Ukoliko postoje neutrošena sredstva izvršiti povrat na:

Transakcijski račun Budžeta Tuzlanskog kantona broj: 1321000309441357

Šifra prihoda: 000000

Općina: 000

Sa naznakom povrat neutrošenih sredstava po Odluci o odobravanju sredstava broj: (navesti broj i datum odluke)

Dokaz o izvršenoj uplati dostaviti na adresu: Ministarstvo obrazovanja i nauke, Muhameda Hevajja Uskufija 1